

**VISOKO SUDSKO I TUŽILAČKO VIJEĆE UPOZORILO "DOM"**

# Pritisци na Općinski sud moraju prestati

Visoko sudsko i tužilačko vijeće BiH osuđuje praksu Udruženja građana "Dom" u slanju pisma uposlenicima Općinskog suda u Sarajevu, kojima ovo udruženje prijeti iniciranjem pokretanja krivičnog postupka ukoliko ne budu donesene odluke u njihovu korist.

Vijeće je u saopćenju za javnost ocijenilo navedenu praksu Udruženja građana "Dom" svojevrsnim uznemiravanjem i očiglednim pritiskom na rad Općinskog suda u Sarajevu. Zbog toga je i pozvalo predstavnike "Doma" da se uzdrže od



**Općinski sud u Sarajevu: Dobili zaštitu Vijeća**

tih ili sličnih postupaka, te da svoja prava ostvaruju korištenjem legalnih pravnih sredstava.

Vijeće podsjeća na to da su predstavnici "Doma" podnijeli pritužbe na rad predsjednika Općinskog suda u Sarajevu, kao i da Ured disciplinskog tužitelja trenutno provjerava osnovanost tih pritužbi.

- U ovom slučaju se ne radi o pokrenutom disciplinskom postupku, kako je to navedeno u nekim medijima, već o provjeri osnovanosti navoda iz pritužbe, o čemu će podnosioci pritužbe i javnost biti blagovremeno obaviješteni - navedeno je u saopćenju Vijeća.